



DEPUTACION PROVINCIAL DA CORUÑA  
SERVIZO DE PATRIMONIO E CONTRATACION

Número 75/2016

**CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE A CAPELA PARA A ATENCIÓN DE VISITANTES E OUTRAS ACTIVIDADES CULTURAIS NO MOSTEIRO DE CAAVEIRO**

Na Coruña o 6 de maio de 2016

**REUNIDOS**

D. Xesús Soto Vivero, Deputado de Contratación, Patrimonio e Equipamento, en virtude da Resolución da Presidencia número 15671 de 27 de xullo de 2015 modificada pola número 16642 de 30 de xullo de 2015, pola que se lle delega competencia para asinar convenios da súa área e

Doutro Don Manuel Meizoso López Alcalde-Presidente do Concello da CAPELA

**EXPOÑEN**

- 1.- A Deputación provincial da Coruña realizou numerosas actuacións encamiñadas á protección, conservación, rehabilitación, musealización e posta en valor do Mosteiro de Caaveiro.
- 2.- O concello da CAPELA leva colaborando coa Deputación provincial da Coruña na xestión do Mosteiro de Caaveiro, un modelo novo de xestión do patrimonio cultural, no cal se interrelacionan os aspectos puramente materiais, como os edificios e as montaxes expositivas, o obxectivo último foi facer do espectador un actor activo e facer mais cercano o patrimonio á xente.
- 3.- O Concello de A CAPELA quere intensificar a súa colaboración coa Deputación na xestión do Mosteiro de Caaveiro
- 4.- Que, coa finalidade de establecer as condicións de colaboración necesarias, para a posta en valor deste conxunto arquitectónico a Deputación Provincial da Coruña e o Concello da CAPELA acordan subscribir o presente convenio, segun as seguintes

**CLÁUSULAS**

**PRIMERA: OBJETO**

O presente convenio ten por obxecto establecer as relacións de colaboración entre a Excma. Deputación provincial da Coruña e o Concello da CAPELA, CIF: P-1501800-E por medio do cal a Deputación provincial da Coruña encomenda ao Concello da CAPELA, OS SERVIZOS DE ATENCIÓN DE VISITANTES E OUTRAS ACTIVIDADES CULTURAIS NO MOSTEIRO DE CAAVEIRO

**SEGUNDA: OBRIGACIÓN DO CONCELLO DE A CAPELA.**

**ATENCIÓN DE VISITANTES**

Organización e supervisión dun servizo cualificado de atención a visitantes que permita, dun xeito controlado, converter o Mosteiro de Caaveiro e o seu entorno natural nun enclave turístico nacional, aumentando o número de visitantes e a cantidade e calidade da información que se lles transmite aos mesmos.

O calendario inicialmente previsto de atención sería o seguinte:

- SEMANA SANTA: período comprendido entre o venres anterior e o luns posterior á Semana Santa.

Días: tódolos días da semana, incluídos domingos e festivos.

Horario: de 11:00 a 19:00 horas



- TEMPADA DE PRIMAVERA: período comprendido entre o martes posterior á Semana Santa e o 30 de Xuño , ambos inclusive.

Días: venres, sábados, domingos e festivos.

Horario: de 11:00 a 18:00 h

- TEMPADA DE VERÁN: período comprendido entre o 1 de Xullo e o 15 de Setembro, ambos inclusive.

Días: tódolos días da semana, incluso domingos e festivos.

Horario: de 10:30 a 14:00 h, e de 16:00 a 20:00 h

- TEMPADA OUTONO-INVIERNO: período comprendido entre o 16 de setembro e a semana Santa.

Días: Venres, sábados, domingos e festivos.

Horario: de 11:00 a 19:00 h

Ao marxe desta planificación, o Concello da Capela poderá dispor días e horas adicionais de atención ao público en función dos eventos ou accións que se planifiquen para a promoción turística e histórica do Mosteiro.

#### ENCANTRO COA HISTORIA

Organización dun evento de ambientación escénica consistente nun mercado medieval que propicie a difusión da historia do Mosteiro recreando un viaxe no tempo que faga do Mosteiro de Caaveiro un lugar vivo e activo, no que os visitantes poidan sentirse parte desa historia. O mercado serviría tamén para dar a coñecer a artesanía de Galicia, promocionando estes produtos e a súa comercialización.

O evento incluiría estas accións na súa programación:

- Exposición e comercialización de artesanía: encaixe, tear, prata, vidro, cestería, pel, zocos, aperos de labranza....
- Exposición e comercialización de produtos autóctonos: requexo, queixo, mel, grelos ....
- Talleres de artesanía para nenos.
- Mostra de artes e oficios medievais.
- Xogos.
- Visita teatralizada ao Mosteiro.
- Concienciación da importancia da conservación da natureza, con excursións e charlas informativas polas Fragas do Eume.

#### NOITE NO MOSTEIRO

Un evento especialmente planificado para poñer en valor a beleza e a arquitectura do Mosteiro, destacándoo como elemento representativo de A Capela, e divulgar outro dos acenos de identidade de Galicia: a nosa música e o noso folclore.

Durante o día organizaranse mostras de baile e folclore galego, e mesmo unha exposición de traxes rexionais. Alumnos das escolas de música e baile de A Capela deleitarán aos visitantes coas súas habilidades nestas artes.

De xeito paralelo, organizaranse visitar guiadas ao Mosteiro e a súa contorna.



**DEPUTACION PROVINCIAL DA CORUÑA  
SERVIZO DE PATRIMONIO E CONTRATACION**

Número 75/2016

O evento terá o punto álxido durante a noite, cando o Mosteiro se iluminará con focos led programables de cores nunha estampa única e sorprendente.

A iluminación escénica irá acompañada dun concerto de música de cámara organizada en pases para facilitar o seu gozo pola maior cantidade de turistas posible.

De ben seguro que a estampa correrá por redes sociais e teléfonos por todo o mundo.

**LOGOTIPO CORPORATIVO**

Deseño dunha identidade corporativa do Concello da Capela e da Deputación Provincial da Coruña que inclúa como elemento identificador principal o Mosteiro de Caaveiro, para ser utilizado nos documentos, medios e comunicacións oficiais.

**TERCEIRA: DISPOSICION COMUN:**

O Concello de A CAPELA fará constar en todas as actividades, programas, folletos e carteis, etc., a financiación da Deputación Provincial da Coruña

**CUARTA: OBRIGACIÓNS DA DEPUTACIÓN PROVINCIAL DA CORUÑA**

A Deputación provincial da Coruña abonará ao Concello de A CAPELA a cantidade de 70.000 euros en concepto de prestación dos servizos de atención de visitantes e outras actividades culturais no Mosteiro de Caaveiro durante o período comprendido entre o 1 de xaneiro de 2016 ata o 31 de decembro de 2016, con cargo á aplicación orzamentaria 0620/3361/22609 e con arranxo ó seguinte desglose:

- Atención de visitantes: 29.730 euros
- Encontro coa historia: 12.125 euros
- Noite no Mosteiro: 10.600 euros
- Logotipo corporativo: 6.250 euros
- Outras (\*): 11.295 euros

TOTAL: 70.000 euros

(\*). Outros eventos e accións relacionadas directamente coa atención, promoción turística e divulgación do Mosteiro de Caaveiro, que deberán ser documentalmentemente xustificadas.

**QUINTA. FORMA DE PAGO**

A Deputación Provincial abonará ao Concello de A CAPELA a achega correspondente da seguinte maneira con arranxo á seguinte desagregación:

Efectuaranse mediante pagos trimestrais por períodos vencidos, polo importe proporcional correspondente. En consecuencia non se efectuará ningún pago por anticipado. Requirirán a presentación de certificación de gastos e ingresos durante o devandito trimestre, expedida polo Sr. Secretario co Vº e pr. do Alcalde-Presidente do Concello de A CAPELA.

Acompañarase ademais memoria onde se indicarán as actividades realizadas, persoal adscrito aos servizos e informe estatístico de visitantes.

Cada pago requirirá informes favorables dos Servizos de Patrimonio e Contratación e de Fiscalización.

Para a cobranza de cada unha das achegas provinciais, o Concello de A CAPELA deberá presentar certificación de estar ao corrente das obrigacións tributarias e de seguridade social. Así mesmo deberá



estar ao corrente das súas obrigacións fiscais coa Deputación provincial da Coruña, situación de que se determinará de oficio a través do Servizo Provincial de Recadación.

O Concello deberá presentar certificación dos ingresos producidos por achegas de entidades públicas ou privadas, si houbéseos.

O importe dá a achega da Deputación provincial da Coruña, en concorrencia con outros ingresos non poderá superar o importe total dos gastos realizados.

#### **SEXTA: SUPERVISIÓN POLA DEPUTACIÓN**

Sen prexuízo das facultades de vixilancia e inspección que corresponden á Presidencia da Deputación Provincial, o Servizo de Patrimonio e Contratación por si ou a través doutros Servizos Técnicos da Deputación, poderá inspeccionar en calquera momento o estado do inmobile e bens adscritos, e o cumprimento dos fins do presente convenio.

As actividades que desenvolva o Concello no Edificio do Mosteiro de Caaveiro non poderán superar o aforamento de 25 persoas no interior do mesmo, e en todo caso, as actividades deberán ser compatibles coa finalidade e adecuado uso deste ben cultural, para o que se deberán adoptar todas as medidas necesarias para a súa total protección e perfecta conservación. Para estes efectos o Concello solicitará da Deputación, cunha antelación polo menos de 15 días, autorización para a realización de cada unha das actividades especificando as datas, horarios e acompañada dunha memoria xustificativa

A Deputación da Coruña e o Concello de A CAPELA traballarán durante o período de vixencia deste convenio para crear unha Comisión político-técnica integrada por persoal político e técnico destes dous entes, Comisión que velará pola correcta adecuación das actividades obxecto deste convenio no marco de preservación do ben patrimonial e noutras cuestións que teñan que ver co bo estado de mantemento e conservación do mesmo.

#### **SETIMA: UTILIZACIÓN POLA DEPUTACIÓN**

O inmobile seguirá sendo propiedade da Excm. Deputación provincial da Coruña e en consecuencia poderá realizar no mesmo as actividades que estime oportunas.

#### **OITAVA: CAUSAS DE RESOLUCIÓN**

Serán causas de resolución do presente convenio:

- O incumprimento das cláusulas do convenio.
- A aplicación dos fondos percibidos a fins distintos aos que deron lugar á súa concesión.
- A falta de xustificación das cantidades na forma establecida no convenio.

#### **NOVENA: VIXENCIA**

O presente convenio terá vixencia desde o 1 de xaneiro de 2016 e ata o 31 de decembro de 2016 . Non obstante a xustificación de actividades do último trimestre poderá presentarse ata o 31 de marzo de 2017, podendo prorrogarse devandito prazo de xustificación por causas debidamente xustificadas.

#### **UNDÉCIMA: NATUREZA XURÍDICA**

O presente convenio ten carácter administrativo quedando as partes suxeitas á xurisdición dos tribunais contencioso-administrativos para resolver os conflitos que puidesen xurdir na súa aplicación. En todo caso aplicarase de maneira supletoria a Lei 38/2003, Xeneral de Subvencións.




DEPUTACION PROVINCIAL DA CORUÑA  
SERVIZO DE PATRIMONIO E CONTRATACION

Número 75/2016

Faise constar que o presente convenio foi aprobado polo Pleno da Corporación en sesión celebrada o 29 de abril de 2016


E en proba de conformidade, ambas as partes asinan o presente Convenio por cuádruplicado exemplar no lugar e data indicados no encabezamento.

O PRESIDENTE, P.D.  
O DEPUTADO DE CONTRATACIÓN, PATRIMONIO E  
EQUIPAMENTO



Asdo. XESÚS SOTO VIVERO

O ALCALDE-PRESIDENTE DO CONCELLO DE A CAPELA



Asdo.: MANUEL MEIZOSO LÓPEZ

